

Մերգել ԱՊԱԶԱՆՅԱՆ**ԿԵՆՅԱՂԱԳՐՈՒԹՅԱՆ ՆՇԱՆԱԿՈՒԹՅՈՒՆԸ
Գ. ՍԱՀԱՐՈՒ «ԱՅՐՎՈՂ ԱՅԳԵՍՏԱՆՆԵՐ» ՎԵՊՈՒ**

Գ. Սահարու «Այրվող այգեստաններ» (1935-64) վեպի տպագրությանը (1966) հաջորդած հախուսն մերժումից տասներեք տարի անց (1979) վերջապես լույս տեսավ երկրորդ տարբերակը: Անկախ արված փոփոխությունների արդյունքում ստացվածից՝ դա վեպի վերագնահատման հարմար առիթ էր: Ստեղծագործությանը գրականագետների նորովի անդրադարձներն ավելի հավասարակշիռ էին, գեղարվեստորեն հաջողվածը չհաջողվածից տարբերակելուն հակածած, իսկ ընդհանուր գնահատականը՝ վեպի նշանակալիությունը մատնանշող: Տողերի տակ հնարավոր է նոյնիսկ սրտացավորյուն նկատել, որը տուրք էր եղած-անցածի մեջ հեղինակին ու վեպին վերագնահատումների փաստարկները: Նաև այն, թե վեպի առաջին տարբերակի համեմատ երկրորդը, որպես գեղարվեստական կառույց, որքանով է համապատասխանում հեղինակի նախնական նմտահղացմանը¹: Անդրադարձնանք առայժմ միայն հետևյալին:

Նշված վերագնահատումների մեջ ակնհայտ էին Գ. Սահարու ստեղծագործության ժամանակաշրջանը արձարծումները: Դա ինքնանապատճ չէր: Սակայն օրինակիվ լինելու համար նշենք, որ մինչ երկրորդ տարբերակի տպագրությունն էլ եղածը ետաղարձ հայացքով վերագնահատելու, վեպն ավելի հավասարակշիռ մոտեցմանը արժելունիւու փորձեր եղել են: Սասնավորաբար այս մեկը. «Վեպի հետավոր ու մանաւագնոյ ոչ միակոր պատմա-քաղաքական ֆոնը ներկայացվում էր իրրև առաջին պլանի բովանդակություն...: «Այրվող այգեստաններ»-ը սխալմանք ընթերցվեց իրեւ պատմա-քաղաքական վեպ և ոչ թե մարդկային շատ ու տարբեր հոգիների ողբերգակատակերգություն»²: Ակնհայտ է եղածի համար ափսոսանքն ու վեպը փորկելու ձգուումը: Բայց նոյնքան ակնհայտ է և փաստարկների անհամոզությունը: Բավական է միայն հարցնելը, թե «մարդկային շատ ու տարբեր հոգիների ողբերգակատակերգության» պատճառն ինչն էր հենց Գ. Սահարու անթաքույց մատնանշմանը, և տողերի հեղինակը կիայտնի ցայտնուում: Օրովհետև այլ քան հնարավոր չի լինի ցույց տալ, քան այն, ինչը փորձ է արվում ժիշտել՝ «պատմա-քաղաքական» բովանդակությունը՝ վեպի իր սխալ ընթերցվածքը կամ վեպում երկրորդականը:

Վատահորեն կարելի է պնդել, որ ոչ չի կարող որևէ ձևով ապացուցել, որ հեղինակը «Այրվող այգեստաններ»-ի (1935-64) համայնապատճեր ողբերգությունը, բացի պատմաքաղաքականից, որևէ այլ հանգամանքով է պայմանակիրում: Հետևաբար, վեպի բովանդակության մեջ պատմաքաղաքանը (անկախ գեղարվեստորեն հաջողվածությունից կամ պատմականութեան համոզությունից) այնքան էլ «հեռավոր ֆոն» չէ, առավել ևս՝ անտեսելի իրղություն:

Ահա հենց այս հարցի (վեպի կենսանյութն ու քենատիկան) շրջանակներում էլ ընթանում էր երկրորդ տպագրության առիթով սկսված վերագնահատումը: Իսկ դրա մեջ ակնհայտ էր մի քան. ստեղծագործության վիճելի տեղը՝ թենատիկ-բովանդակային խնդիրը, փոխակերպվում էր ժանրային պատկանելության խնդիրը: Այսինքն՝ թեև ակնհայտ էր, որ Գ. Սահարու գրածը վեպ է՝ ժանրի մասնակիր դրսևորման բոլոր ինքնատիպություններով հանդերձ, միևնույն է, նորովի գնահատման փորձերում անպայման վերարձարձվում էր ժանրային պատկանելության հարցը: Ահա մի քանի օրինակ: Ըստ Ս. Բորսյանի՝ այն «ողբերգակերգիծական վեպի»³ նմուշ է: Բայց նա հետևողակա-

¹ Այս մասին տես՝ Մ. Նշանյանի կարծիքը (Սահարու Գ., Այրվող այգեստաններ, Եր., 2004, էջ 5):

² Ն. Աղաջանյան, Քննադասության ժամանակը, Եր., 1977, էջ 105:

³ Ս. Բորսյան՝ Գորգեն Սահարու, Եր., 1981: Նաև՝ «Ողբերգակերգիծական վեպի ուղղությունը» ուսումնասիրությունը «Ժամանակակից հայ արձակը» ժող., Եր., 1981:

Առաջունը չի պահպանում և նշված ուսումնասիրություններում վեան անվանում է նաև «Երկինական դրեզուտըլուն», որը միանգանալի այլ բռվանդակությամբ բնուրացիր է⁴:

Ս. Աղարաբյանը Գ. Մահարու վեպն անվանում է «վիպասք», «ապապատում», «քանաստեղծական հոգախոռվ ասք»՝ առանց բացատրելու և փաստարկելու⁵: Նոյն ժողովածուս գրականագետը տեղադրել է նաև Խ. Դաշտենցի «Խողեղան» (1958) և «Ուանչպարմերի կանչը» (1979) ստեղծագործություններին նվիրված մի հոդված: Նա «Խողեղան»-ը համարում է «էպոսային», «քանահյուսական-էպոսային» արձակի նմուշ, իսկ «Ուանչպարմերի կանչը»՝ «ազատագրական շարժման վիպասք»՝ բերելով ոճական և թեմատիկ-բովանդակային որոշ հիմնավորումներ: Ան դրանցից մի քանիսը:

«Որդեգրելով ժողովրդական հավատի վրա խարսխված կոնցեպցիան և ռանչ-պարույքան աշխարհազգացողությունը դնելով իր պատումի հիմքում, Խաչիկ Դաշտենց բացահայտում է ազատագրական շարժման հերոսական բովանդակությունը, պատմույթան մեջ հայտնի դարձած հերոսների հոգեկան ձգումների վեհությունն ու գեղեցկությունը»:

«...Խառնվածքով լինելով պատմողական-ասացողական շնչի գրող (դրա ցայտում վկայությունն է «Խողիղանք»), Դաշտենցը զտել է նյութի մասուցման ամենահարմար և ամենարնական ձևը»:

«Հիպական հերոսապատումի էջերում ամբողջ հասակով մեկ վեր են հառնում «անկրկնելի սերնդի» առաջական հերոսները, նրանք, ովքեր հայրենյաց սիրո համար իրենց կյանքը դրին ազատության զոհասեղանին»:

«Ազատագրական շարժման վիպաքը ստեղծելու համար Դաշտենցը հազվագյուտ թափանցումներով օգումել է այդ շարժման եռյանն ամենից ավելի պատշաճ բնական և պարզ, միամիտ, «անարվեստ» պատումի ձեռիքը և բառապաշտային շերտերից:

Զինված հայ ժողովրդական վիպերգի աստղնիքներով՝ Դաշտենցը հանդես է եկել իր ասազօղ, ժողովրական ասմունքով...

Երբ ժանրային կառուցվածք՝ «Ուանչպարները» նորագոյն հայ գրականության թիւքը մերից մնեն է, «արիմինիկ» արմեանի հազվագյուտ խոր ներնահճը:

Սահմանությունը պատճենաբար կազմակերպված է առաջարկությունների մեջ՝ սահմանագործության մեջ և առաջարկությունների մեջ:

Այս թնուրագրերը հազիվ թե կիրառելի են Գ. Մահարու «Այրվող այգեստան-ներ»-ի (1935-64) նույնիսկ երկրորդ՝ վանեցինների հերոսականությամբ հարստացված տարբերակի վերաբերյալ, որպեսզի հանողին լինեն գրականագիտի ժանրային որոշակի հաջումները՝ «Վիպասար» և այլն:

Վերը հիշատակված՝ «Վիպաքի նոր տարրերակը» հոդվածում Ս. Ազարյանը հարկ է համարում հայտնի գուցահետով (Ե. Զարենց «Երկիր Նախրի» (1926) և Գ. Սահարի «Այրվող այգեստաններ» (1935-64)) անել հետևյալ տարրերակումը. «Մինչ «Երկիր Նախրին» քաղաքական վեպ է, ավելի սոռոյզ՝ տարրեր գաղափարախոսությունների գոտենարտը ներկայացնող պատում է՝ Կարսի հասարակական անցուդարձի և կենցաղի ֆոնի վրա, «Այրվող այգեստանները» հոգեբանական-կենցաղային վեպ է՝ Վանի «այստմական անցերի» ներդիրներով»:⁷

Ս. Արզումանյանը Գ. Մահարու ստեղծագործությունը դիտարկվում է «Վեպ-Ժամանակագրություն» ժանրի և «անցյալի սոցիալ-հոգեբանական յորացումների»⁸ թեմատիկ շրջանակներում: Նրանում առաջնային, նոյնիսկ մինչ «համաեվրոպականի սահմանագծերը»⁹ հասնող և զնահատանքի արժանին համարում է բարձր արվեստը: Անոնեալ առանձնազնում է թեմատիկ-զարդարական մի քանի հիմնական ուղղությունը:

⁴ Այդ մասին մանրամասն տես՝ հեղինակի «Գ. Մահարու երգիծանքի յուրօրինակությունը»

⁵ U. Ա ղ ա ր ա ր յ ա ն, XX դարի հայ գրականության զուգահեռականներում, զիրք առաջին, Երևան, 2007, էջ 95-103:

1983, tq 242-253:

⁶ Նոյն տեղում,էջ 274-283:

⁸ ԱՀ Բարձրագույն Խորհրդի Արդյունաբան վեհական ժողովը էլեկտր. Եղ. 1086 էջ 341:

⁹ *И. Илларионов, 1991, № 409:*

թյուններ: Այսպես. «Մահարին այստեղ («Այրվող այգեստաններ»-ը վեպում – Ս. Ա.) կրկին անդրադառնում է 10-ական թվականների սոցիալական ու ազգային կյանքին, վերակենդանացնում Վանի մարդկային և էքսիկալական հարաբերությունները, երգիծական շերտերով մերկացնում ազգային զաղափարաբանության և սոցիալական տարրեր խավերի հոգեբանությունը»:¹⁰ Նաև. ««Այրվող այգեստանների» կենտրոնական թեմա-հանգույցներից մեկը ազգային կուսակցությունների քաղաքական վարքագծի բացահայտումն է»:¹¹ Ի վերջո. ««Այրվող այգեստաններում» հեղինակը համեմատաբար քիչ ժավակեց Վանի ազատասիրական-հերոսական կրիվների գեղարվեստական մարմարմարն ուղղությամբ»¹²: Կերպին դիտարկումն ափառանքով է ասված՝ չնայած այն բանին, որ Գ. Մահարին վեպի երկրորդ տարբերակում հավելել էր վաճեցիների նաև հերոսամարտը պատկերող տեսարանները:

Գ. Մահարու ստեղծագործության ժանրային բնութագրերում տարակարծությունն ակնհայտ է, և այլ կարծիքներ քերելն ավելի չի պարզեցնելու խնդիրը: Ի վերջո ժանրային բնութագրերի մեջ վերջնական ու անվիճելի ճշգրտման հասնել այս դեպքում թերևս հնրավոր էլ չի: «Այրվող այգեստաններ»-ը (1935-64) վեպ է՝ գեղարվեստական պայմանականությունների իրեն բնորոշ յուրահատկություններով: Ծիծու է, նշված բնութագրերը վերաբերում են վեպի արդեն զուտ գրապատմական արժեք ունեցող տարբերակներին, սակայն պատահական չեն և կարևոր են են ենուկյալ առումով: Դրանք վեպի արժելությունը նրանում առկա կենսանյութի և պոետիկայի որոշ առանձնահատկությունների շրջանակներում պահելու փորձեր են: Այսպես: «Ողբերգաերգիծային վեպ» բնորոշումը կենսանյութի հեղինակային իմաստավորման սուբյեկտիվ կերպն է մատնանշում: «Վկասաք», «ասքապատում», «քանաստեղծական հոլովախոռվ ասք» բնութագրերը Գ. Մահարու վեպը նույնացնում են ևս. Դաշտենցի հիշատակված ստեղծագործություններին հատկապես ժողովանահյուսությանը բնորոշ ժանրային և պատումի գեղարվեստական առանձնահատկությունների առումներով: «Վեպ-ժամանակագրություն» որոշակիացումը, կարծում ենք, զգալի ճշմարտացիությամբ համեմեռ, լիարժեք չէ քեկուզ այն պատճառով, որ Գ. Մահարին, «Այրվող այգեստաններ»-ում (1935-64) հակայական հավաստի կենսանյութ կուտակելով հանդերձ, օրյեկտիվ, չեզոք, անտարբեր ժամանակագիր-հեղինակի վարքագիծ չի դրսւում:

Ակնհայտ է, որ ժանրային բնութագրերի այս միակողմանիությունը լավագույն դեպքում մասնակի, ամբողջ չընդողը ճշմարտություն է: Այն ստեղծագործությունը գեղարվեստական կատարման առումով ակնհայտորեն հաջողված մասով բնութագրելու, մնացյալը երկրորդ պլանում թղթներու արդյունք է: Մինչդեռ «Այրվող այգեստաններ»-ում (1935-64) հավասարապես կարևորված են վանեցու թե՛ ամենօրյա կենսակերպն ու կենցաղը, հայկական նկարագրի տեղական ինքնատիպությունը, թե՛ ազգային քաղաքական ճակատագիրը: Դեռ ավելին՝ հեղինակը ներկայացնում է երկուսն իրար շաղկապած, իրարով պայմանավորված: Եթե օրյեկտիվ լինենք մինչև վերջ, ապա հնարավոր չէ չնկատել, որ հեղինակի նպատակն ի վերջո ոչ թե դարասկզբի վանեցու նկարագիրն ու կենսակերպն աննահացնելն է, այլ քաղաքական ճակատագրի արտացոլումը: Միայն թե յուրահատուկ մոտենամք՝ դրա մեջ չափազանց կարևորելով ոչ քաղաքական մի նյութ՝ կենցաղը, կորորիտը: Դա իր գեղարվեստական հիմնադրության արտահայտելու միջոց է: Թեև կորորիտն ինքնին կարևոր է, բայց Գ. Մահարին նրա նշանակությունը չի սահմանափակում միայն այդքանում:

Վերը նշված զնահատականների միակողմանիությունը զայիս է ստեղծագործության բովանդակային մեկնարանությունների երկատվածությունից: «Այրվող այգեստաններ»-ի (1935-64) և առաջին, և երկրորդ տարբերակների վերաբերյալ անդրադառներում (անկախ դրանց հաստատող կամ ժխտող բովանդակությունից) ակնհայտ է վեպի կենսանյութի երկատումը: Առանձին վերլուծվում ու զնահատվում են Վանը, վանեցիներին, սրանց նկարագիրը, կենցաղն ու կեցության առանձնահատկություններն արտացոլող նահարիական էջերը, ուր, ըստ այդ կարծիքների, համարյա ամեն ինչ համոզիչ է, գեղարվեստորեն կատարյալ, անշփորելիության չափ ինքնատիպ:

¹⁰ Նոյյան տեղում, էջ 409-410:

¹¹ Նոյյան տեղում, էջ 416:

¹² Նոյյան տեղում, էջ 420:

նուինու, դրանից անկախ, գնահատվում են ազգային քաղաքական հարցադրումների, կուսակցությունների և կուսակցական գործիչների վերաբերյալ պատկերները: Այսուղի, հատ ու կենտ բացառություններով, ասես խնայելով հեղինակին, ցավ ու ափսոսաճրով, մատնանշվում են վրիպումներ, ազգային-քաղաքական ճակատագրի վերաբերյալ հեղինակային զաղափարական սայրաքումներ: Վեպի գնահատման այսպիսի նոտեցման արդյունքում ստացվում է հետևյալ առնվազն տարօրինակ իրավիճակը. ասես հեղինակը երկու տարբեր կոնցեպցիաներ է գործադրել 20-րդ դարակզբի Վաճի հասարակական-քաղաքական, կենսական հանգամանքներն արտացոլելու համար: Դրա արդյունքում էլ ձևավորվել է մի վեպ, որի մեջ ազգային ամենօրյա կեցության պատկերների բովանդակությունը, այդ պատկերների միջոցով հեղինակային ասելիքը հաջողված են և չեն առնչվում ազգային-քաղաքական խնդիրներ արտացոլող պատկերների բովանդակությանը, որը լրջորեն ներժելի է: Կամա-ականա ստացվում է հետևյալ անընդունելի իրադրությունը՝ երկու տարբեր կոնցեպցիաներ, իրարից խզված կենսատարածքներ, ի վերջո՞ երկու տարբեր ստեղծագործություններ մեկ ստեղծագործության մեջ:

Իմիջիայլոց, Գ. Մահարու վեպի երկրորդ տարբերակի (1979) ընդհանուր առնամբ դրական գնահատանքի մեջ էլ առկա այս երկասող նոտեցումը ժառանձրված էր առաջին տարբերակի (1966) վերաբերյալ կարծիքներից: Բնորոշ օրինակ կարող է լինել Ս. Սարինյանի «Ժամանակակից արձակը զարգացման ուղիներում»¹³ (1971) ուսումնասիրությունը: Այսուղի, ի շարու այլ հեղինակների բազմաթիվ ստեղծագործությունների, արժենորվում է և «Այրվող այգեստաններ»-ը (1935-64): Պիտի նկատի ունենալ, որ Ս. Սարինյանի գնահատականները շատ ավելի հավասարակշիռ են, ազատ վեպի առաջին տարբերակի տպագրությանը հաջորդած գնահատականներին բնորոշ հայտնուն զգացմանքայնությունից: Տարիներ էին անցել, և կարող էր հետարարձ հայցրով արժևորումն ավելի հավասարակշիռ լինել, նաև առկա փորձն ընդհանրացնող:

Սա մի քանի օրինակ. «Այրվող այգեստաններ» իիրավի լուրջ ճեղքվածք է ի հայտ բերում գեղարվեստական ու զաղափարական ուղեծքների համարուցում: Մի կողմից՝ միջավայրի, կենցաղի, մարդկային բնավորությունների փայլուն գեղարվեստական իրացումներ, մյուս կողմից՝ պատմական իրադարձությունների պատճառի և հետևանքի վերաբերյալ նեղմիտ հայացք: ...Մահարու գրիչը, իրավի, փայլում է իր հերոսի հոգեբանական շարժումների, Վաճի կյանքի ու կենցաղի նկարագրություններում, որոնց մի արտակարգ հմայք է տալիս մահարիական հումորի խայտանքը»¹⁴:

«Ազգային ողբեկորթյան պատճառը հատկացնելով դրասից հրահրված միջանոտության, նա հեգնեց նահատակությունը, չփորձելով իր հայացքն սոսուզել ազատագրական ճգուտմների պատմական իրավունքը: ... Վրիպանքն ակներկ է. գրողը չկառողացավ բուրժուա-նացիոնալիստական կուսակցությունների քննադատությունը սահմանադատել հայ ժողովությի ազատագրական պայքարի պատմական անհրաժեշտությունից և հայկական ազատագրության զաղափարը հանգեցրեց կենցաղագրական նեղմիտ բարյախտության»¹⁵:

Հարկ է նշել, որ Ս. Սարինյանը վերոհիշյալ ուսումնասիրության մեջ Գ. Մահարու «Այրվող այգեստաններ»-ը քննարկում է վեպերի, իր բնորշմամբ, «պատմագեղարվեստական» տեսակի շարքում: Նա խմբավորումն իրականացրել է «թեմատիկ ստորաբաժանումնով»¹⁶: Վերստին անդրադանարկով Գ. Մահարու վեպի ժանրային բնութագրերի խնդրին՝ ասենք, որ այս որոշակիացումը, մեր կարծիքով, ամենահանողին է: Իհարկե, ոչ միայն նրա համար, որ վեպում առկա է թեկուզ ոչ հեռավոր, բայց ճակատագրական պատմական անցյալը: Այլ, հատկապես ինչպես գրականագետն է նշում, այն փաստարկով, որ ակնհայտ է թե՝ «պատմության փորձի մեջ» որոշակի փիլիսոփայություն հայտնաբերելու, թե՝ պատմության «նոր դրվագներ յուրացնելու», «ժողովրդի պատմության ... նոր շերտեր»¹⁷ արտացոլելու գեղարվեստական նտրի ճգուտում:

¹³ Ս. Սարինյան վերոհիշյալ ուսումնասիրության մեջ՝ Գեղարվեստական զարգացումը, Եր., 1973:

¹⁴ Նոյյն տեղում, էջ 136:

¹⁵ Նոյյն տեղում, էջ 138:

¹⁶ Նոյյն տեղում, էջ 119:

¹⁷ Նոյյն տեղում, էջ 125:

Սանականդ պատմության փորձը նորովի իմաստավորելու Գ. Մահարու ծգումն ակնհայտ է «Այրվող այգեստաններ»-ում (1935-64): Եվ դա, կարծում ենք, երևում է վեպի համար կենսանյութի հեղինակային ընտրությունից: Այն, մեղմ ասած, նկատելիորեն տարօրինակ է. ենց Եղեռնի ժամանակների Վաճի մասին գրող վանեցի հեղինակն անտեսել է հայտնի հերոսամարտը: Անտեսել է համազգային պարտության և ողբերգության մեջ սակավարիվ ու պարզատես անելու չափ իրավուրիչ փաստերից մեկը՝ Վաճի հերոսամարտը: Ինչո՞ւ: Կարծում ենք՝ այս հարցի պատասխանը հետևյալն է: Զենքարկերով վեպի գրությունը՝ Գ. Մահարին նպատակ է ունեցել ներկայացնել համազգային քաղաքական ճակատագրի համայնապատկերը և ոչ թե մի դրվագը: Առավել ևս, երբ հակառակ նույնիսկ իրեն բնորոշ հերոսականության՝ Վաճի ինքնապաշտպանությունը որևէ չափով չփոխեց համայնապատկերի ամբողջական նկարագիրը: Խսկ վերջինիս, որքան էլ դժվար է փաստի հետ հաշտվելը, բնորոշ են ոչ թե հերոսականությունը, փորձություններից պատվով, գրնել ոչ էական կորուստներով դրւու գալը, այլ ուղղակի ողբերգական ու անդառնախ կորուստները: Պատմական ժամանակաշրջանի համայնապատկեր էությանը չեր համընկնի հերոսամարտի կարճ ժամանակահատվածի ոգին: Գ. Մահարու նպատակն ազգային քաղաքական ճակատագրի համայնապատկերն էր և ոչ թե դրանից շեղող դրվագը: Նրան Վաճի հերոսամարտը չնկարագրելու համար մեղադրելը հավասարագոր է ամբողջին չհամընկնող դրվագն ամբողջի տեղ անցկացնելու պարտադրանքին: Դա, մի կողմից, սեփական սուեդագործական ծրագիր ունենալու հեղինակի իրավունքի, մեղմ ասած, անտեսում է, մյուս կողմից՝ պատմական կեղծիքի հետ սահմանակցող նտայնություն:

Պատմական փորձը նորովի իմաստավորելու Գ. Մահարու մոտեցման մեջ կարևոր հանգամանք է նաև հետևյալը: Նա խախտել է Եղեռնը հնարավոր դարձրած հանգամանքների մեր կարծրացած ընկալումը: Դրա ամենատարածված տեսակը զիսավորապես մեզնից դուրս ուժերին մեղադրելն է: Մինչդեռ անվիճելի է, որ հեշտ չէ տեղահանել և բնաջնջել բազմաքանակ մի ժողովրդի, որը պատրաստ է դիմակայել արհավիրքին: Արևմտյան Հայաստանում ոչ միայն մեծամասնություն կազմող, նաև ողջ Թուրքիայով սփռված, նպաստավոր աշխարհագրական դիրք ունեցող, դրսից զենք ու զինանքերը ստացող հայ ժողովուրդը 19-րդ դարի վերջից սկսած պարբերաբար տեղահանվում ու կոտորվում էր: Բայց համազգային պայքար, ընդդիմություն չձևավորվեց: Ինչո՞ւ: Ժողովուրդը չ"ը ցանկանում տեր դառնալ իր գոյատևման խնդրին, հավատո՞ւմ էր քուրքական կառավարությանը և չէր ուզում հաշվի նատել ռեալության հետ, հույսը դրել էր Ռուսաստանի կամ Եվրոպայի վրա, մեր ազգային գործիչների՞ն չէր հաջողվում պայքարի ոգի ու պատրաստակամություն ձևավորել...

Այս, հնարավոր այլ հարցերի ներքին քննարկումները մեզ են պեսոք. մեր սխալներն այլևս ուղղել չենք կարող, բայց դրանց դասը յուրացնելը պարտադիր է: Գ. Մահարին ընդգծում է դրանցից հատկապես մեկը՝ ազգային գործիչների գործունեության հարցը: Ընդ որում, եթե նրան որոշ դեպքերում կարելի է քննարկան ինչ-ինչ մեղանչումների համար, ապա ուղղակի անհնար է շխամածայնել նրա զիսավոր կողմնորոշիչ սկզբունքի հետ: Մեր անհատուցելի ու անդառնախ կորուստների պատճառների մեջ անպայման քննելի է նաև ազգային գործիչների խնդրիը: Հենց այստեղ է (ծովածավալ կորուստների համեմատ անպատճ գործունեություն), որ Գ. Մահարին հայտնաբերում է երգիծելին, երգիծանքով ներժելին: Նա ցոյց է տալիս, որ Թուրքիայի ներքին կյանքին այդքան ակտիվ միջամտությունն անհետևանք չէր մնալու: Եթե այն չկարողանար լուծել իր գերխնդիրը, ապա անպայման վնասելու էր: Ցավոք, ոչ միայն չլուծվեց ազգային ազատագրության խնդիրը, այս տեղի ունեցավ աննախադես ողբերգություն: Դրա համար էլ նրա երգիծանքում այդքան շատ է ցավն ու տառապանքը, նույնիսկ մերկ, մարտնչող մերժողականությունը:

Որ մենք ցավախորեն ճախողվել ենք, դա ակնհայտ է, և Գ. Մահարին վերջնական արդյունքի՝ պատմական ճշմարտացիության առումնվ անառարկելի է: Յուրաքանչյուր ազգի համար պետականությունից հետո ամենակարևորը կենսատարածքի և գենետիկ ֆոնից պահպանումն է: Կոսակցությունների ու իրենց գործիչների վարկն ավելի կարևոր արժեքներ չեն, քան մեր անդառնախ կորուստները: Այլ հարց, որ Գ. Մա-

հարին տանու է տախս ազգային գործիչների կերպարների գեղարվեստական համոզ-չության մեջ, որն արդեն պրեսիկայի՝ կերպարակերտման խնդիր է:

Պատմության փորձի մահարիական իմաստավորման այս մոռեցումներով վեպը դիտարկելիս ակնհայտ է դաշնում, որ զործ ունենք իսկապես պատմագեղարվեստական ստեղծագործության հետ: Նրա կենցաղագրական պատկերներն ինքնանպատակ կոլորիտային չեն, և հեղինակի արաջնային կամ միակ մտահղությունն անդարձ կրովկած գրական-գեղարվեստական փաստի տեսքով պահպանելը չէ: «Այրվող այգեստաններ»-ի (1935-64) գաղափարական միակույժ կառուցվածքն ակնհայտ է նաև վանեցիների առօրյա կեցության պատկերների բովանդակության զարգացումից:

Գ. Մահարին վեպից զգալի տարածք է հասկացնում Վանի քաղամասերի, փողների, տների, հասարակական վայրերի, վանեցիների կենսագործունեության կենտրոնների, նաև մերձակա աշխարհագրական միջավայրի, բնակավայրերի, պատմական հուշարձանների նկարագրությանը: Այդ պատկերները կարենի է պայմանականուն բաժանել երկու տեսակի: Սի մասը հեղինակը ստեղծում է որպես վեպի հերոսների համար ընդհանուր կենսատարածք-համայնապատկեր, մյուս մասը՝ «ուզած-չուզած»՝ առանձին հերոսների տեղաշարժերով պայմանավորված:

Վանի քաղաքային տարածքից դուրս օրյեկտներից են լիճը («Ծով Նախի, Բիայնայի ծով, Հայոց ծով, Վանայ ծով»¹⁸), Կոտոց կղզին, Ալբամար և Խերա վաճքեռը, Հայոց ծորը, Կոտուպաշ, Էրմաց, մերձակա այլ գյուղեր, Ուրբաթ առուն և այլք:

Գ. Մահարին շատ ավելի մանրակրկիտ է Վանի նկարագրություններում: Ակնհայտ է այն ամբարույց հիացմունքը, որով վերստեղծում է «կանաչավարս, հերեարական գեղեցկութի, հերեաք ու գեղեցկութին»¹⁹ իր ծննդավայրը: Եվ, իհարկե, արժանի է անինանալիորեն, բայց մշտապես զվարք-կենսակի Վանն այդ հիացումին: Այն, հակառակ քաղաքային ծանրո համայնապատկերներին, առաջին հերթին անտառաման այգեստան-ծաղկանց է՝ արևազօծ, բազմագույն, բազմարույր և տրոփում է զոյտքյան, մշտանորոգ կյանքի երջանկությամբ: Վեպով մեկ ափոված են առանձին փողոցների, բնակարանների, հասարակական վայրերի, հրապարակների, առևտրի և արեստավորության կենտրոնների բազմաթիվ մանրամասն նկարագրություններ: Բնական ու ծեռակերտ այլ օրյեկտներ ևս, որոնք վանեցիների կենսատարածքն են, որ ծավալվում է իրենց վիպական գոյության ժամանակը: Տեղադրության, կառուցվածքի, կահավորվածության բնորոշ յուրահատկությունների առումով քաղաքային օրյեկտներն այնքան համոզիչ ու տեսանելի են, որ հաճախ թվում է՝ ոչ քեւ տեքստ եւ կարդում, այլ շրջում եւ Վանի փողոցներով: Ու այս քաղաքի վրա «Քամին երեկոյեան ծովից եր փշում, իսկ երբ բարձրանում եր լուսասողը՝ սարից»²⁰: Անխորականորեն ինքնամատուցվող բնական բարիք նշուալվայրունը խաղաղաբեր է, ու թվում է՝ աշխարհի գոյությունից անպակաս է լինելու նաև Վանի գոյությունը. «Պիտի ապրի աշխարհը եւ պիտի ապրի Վանը»²¹: Ժամանակի մեջ անվերջության այս վստահությունը զայիք ուրեզօրությունն ընդգծելու միջոց է, որովհետև լինում է այն, ինչը թվում է՝ անհնարին եր:

«Այրվող այգեստաններ»-ում (1935-64) տարրեր առիթներով իշխատակվում են նաև համեմատարար հեռու աշխարհագրական տարածքների բնակավայրերի անուններ (Պոլիս, Թիֆլիս և այլն): Սրանց մասին վանեցիների գերազանցող մեծամասնությունը գիտի միայն լսելով: Այդ բնակավայրերը չեն ներառվում իրենց ակտիվ կենսագործունեության որորտների մեջ:

Ինչևէ, ըստ Գ. Մահարու՝ XX դարասկզբի Վանն իր շրջակայրով հազարամյակների ընթացքում կայացած ավանդական հայկական բնապատմական միջավայր է: Չնայած նաև եկվոր այլազգիներով մասսանք բնակեցված՝ բայց այն հայոց կենսատարածքն է, որը, թվում է, պիտի լինի, մնա այդպիսին այնքան, քանի դեռ կա աշխարհը:

Գ. Մահարու Վանը բնակեցված է ազգային-տեղական կոլորիտը կրող-պահպանող հայերով: Նրանք զարմանալիորեն կենսական, բազմազան, իրար չկրկնող ոչ քեւ գործ գրական-գեղարվեստական կերպար-մտահղացումներ են, այլ ինքնատիպ մար-

¹⁸ Գ. Մահարու, Այրուող այգեստաններ, էջ 100:

¹⁹ Նույն տեղում, էջ 55:

²⁰ Նույն տեղում, էջ 19:

²¹ Նույն տեղում, էջ 56:

դիկ: Ու իենց դա՝ կենսականորեն համոզիչ ու լիարյուն լինելն է նրանց դրականորեն առաջնահերք տարրերակիշ հատկամիջը: Վեաի գեղարվեստական տարածքն ու ժամանակը լցնող մարդկանց բազմազանությունը հանրագիտարանային է, մարդիկ ներկայացնում են ինարակնոր հատկանիշների մեծ բազմազանություն: Համենայն դեպք, տպավորությունն այնախին է, որ դժվար է ցույց տալ սոցիալական որևէ շերտ, Վաճի բաղադրային և հայկական երնիկ նկարագրի ամբողջացման առումով կարևոր մարդկային որևէ տեսակ, որն անտեսել է Գ. Մահարին: Սի նշանակալի առանձնահատկություն ևս և զիսավոր, և երկրորդական կերպարների այդ առատությունն իմաստավորված է համարժեք, իրար չկրկնող բազմազանությամբ: Սարդկային ճակատագրերի ու նկարագրերի ընդգրկման դաշտի այդպիսի ընդարձակության համար անհրաժեշտ հեղինակային տաղանդի առկայությունն անմիջապես աշքի է զարնում:

Հետաքրքիր է նաև այն, որ վանեցիներն իդեալականացված չեն նույնքան, որքան որ միջնարդկային իրենց հարաբերությունները: Հաճախ ծիսական (ըստ էության կամ արտաքին-ձևական) արարտղակարգ հիշեցնող նրանց կեցությունը և հարաբերությունները նույնիսկ նույն կերպարի շրջանակներում համատեղում են մարդկային տեսակին բնորոշ լավն ու վատը, ցածրն ու բարձրը: Նրանք օրական են իրենց առտնին հոգսերով, ավանդաբար հոկված, կայունացած ձևերի ու նորմերի մեջ ավտոմատացածության աստիճանի ստվրական դարձած գոյության ամենօրյա զբաղմունքով: Վանեցիներն իրենց իրենց աշջում էլ իդեալական չեն, սակայն և՛ իրար, և՛ իրենց հարաբերությունների մեջ լավն ու վատը, կեղծն ու անկեղծն ընդունում են իրքև նորմա՝ այնպես, ինչպես որ կա: Աշխարհի, իրենց կենսակերպի, ճակատագրի ու հարաբերությունների չիդեալականացված այդ նկարագրում դիտարկելի է վեաի ցանկացած պատկեր, ուր ներկայացվում են վանեցիները: Օհանեսի ու իր եղբայրների ճակատագրերի, հարաբերությունների բնույթի, այլ կերպարների հետաքրքիր, բայց անզամ անտվոր կենսակերպի, վարքի բազմարիվ նկարագրություններ արձակագրող չի ներկայացնում իրքև գյուտ, զարմանալի ու աննախադեպ մի քան: Կարծում ենք՝ պատկերների այս շարքում դիտարկելի է անզամ Արամի և Սեղրակի կնոջ՝ Մաքրուի ինտիմ կապի պատմությունը: Սա միանգամայն տարբեր է Արամի և Դավոյի հարսնացուի հարաբերությունների ու դրա հետևանքների պատմությունից: Ըստ Գ. Մահարու՝ Սեղրակի վարքագիծն ու նկարագրին այնախին է (տնից դուրս է սպառում իր ժամանակը, կինը հաճախ մենակ է մնում, ինքը շաշավում մեկն է («զնո՞շ»²² և այլն), որ Արամի տեղում հանգիստ կարող էր վանեցի ուրիշ մեկը լինել: Այսինքն՝ խնդիրը իենց նիայն Արամով չի պայմանավորված, թեև անվիճելի է և Գ. Մահարու ասելիքը. ազգային բաղադրական գործիքը կենցաղային որոշակի նկարագրի պարտակրություն ևս ունի: Սա նույնքան ստվրական կենսական մի համգամանք է, ինչքան որ, ասենք, Համբարձումինը Պոլսում, Օհանեսի և Վերծինի կապը, անծանորուիլու վերաբերյալ Օհանեսի մտքերը և այլն:

Վանեցիները հաշտ են այն կենսակերպի հետ, որի մեջ են իրենք, ավելի ճիշտ՝ որն իրենցն է: Դա միջնարդկային հարաբերություններում և յուրաքանչյուրի ներաշխարհում կայունացած համակեցության մի ձև է, որի բերությունների, նույնիսկ արատների նկատմամբ գոնե անտարբեր լինելն ավելի ձեռնուու է, քան այդ համակցությունը քանդելը: Վերջինը զորկ է շոշափելի, համոզիչ երաշխիքներից, կասկածելի, նույնիսկ անցանկալի է իր անհմանախությամբ: Ազգային-տեղական ինքնատիպությամբ նշանակալի այս համակեցությունը Գ. Մահարին ոչ գունազարդում-իդեալականացնում է, ոչ էլ ժխտում: Նա հաճախ երգիծում է այդ համակեցությանը բնորոշ մեծ ու մանր բերությունները, ասկայն չի ժխտում երբեք: Ընդհակառակն, և՛ իր հերոսները, և՛ ինքը լցված են Վաճի և վանեցու գալիքի վտանգվածության կանխազգացումնել: Դեպքերի ընթացքն աստիճանաբար ձևավորում է այդ ապագան՝ իրքև անշրջելի և անհատուցելի ոլորդգություն:

«Այրվող այգեստաններ»-ում (1935-64) իսկապես զգալի տեղ են գրադարձնում վանեցիների առօրյայի, կենցաղի, ստվրությունների, երնիկ (ընդհանրական-հայկական) և տեղական սոուների, բաղադրային-մասայական նիստ ու կացի, ծիսական արարողությունների և ծիսականացված կենցաղավարության նկարագրությունները: Դրա-

²² Գ. Մահարու, Այրվող այգեստաններ, էջ 198:

նից էլ հերոսների, ընդհանրապես Վաճի ամենօրյա կեցության մանրաքանդակ, դանդաղ ու ասելքահյուս նկարագրությունը: Այս խնասով բնորոշը, ամենից շատ տեղ ու ժամանակ լցնողն Օհանես աղայի կերպարն է: Վեպու հիմնականում ներկայացնում է նրա կյանքի միջնամասը: Օհանեսի զոյությունը կեցության ամենօրյա ծես է, որը հավասարապես ընդգրկում է թե կենդացը, թե՝ մարդկային հարաբերությունները, թե՝ աշխատանքային գործունեությունը: Սա վեպի սկզբում խաղաղ, ինքնավերարտադրվող, գալիքով չմտահոգվող, նույնիսկ ավելին՝ գալիքի համար Վատահ կյանքի պատում է: Պատահական չէ, որ Գ. Մահարին ստեղծագործությունն սկսում է խաղաղ կյանքին բնորոշ պատկերով՝ բարեկեցիկ ընտանիքում երթական երեխայի ծնվելու իրադարձությամբ: Երեխայի հոր (Օհանես) և տատոնը (Թառիկ) երկխոսությունը որքան ուրախ նորության աշքալրուսանք է, նույնքան էլ ծես: Թեև ինքնարուխ ու հանպատրաստից բայց նույնքան ծիսական իմաստ ունի նորածնի առիքով կազմակերպված խճույքում Օհանես աղայի ինքնամոռաց պարը: Չնայած կատարմանք «նրա այդ պարը չէր տարբերուի մի արարաջի Սենոյի, մի Բուռնազի Սիմոնի պարից»²³, բայց միանգամայն այլ է պարողի հոգեվիճակով: Դա ինքնավստահ, գալիքի մեջ լուրջ վտանգ չտեսնող, ժառանգություն ստացած շեն օջախի բարգավաճման համար իր ներդրումով պարզելն աշխողակի ծիսական տուրքն է տանի ավագի՝ պապի հիշատակին: Թվում է, թե դժվար է հոգերանական ու կենսական այլ դրդապատճառներով մեկնարանել Օհանեսի պարը: Բայց, որքան էլ տարօրինակ է, եղել է նաև այսպիսի մեկնարանություն: «Այդ պարի անսանձ, հայտնու ոիրմերը խորիրդանշում են պարտվող քաղաքի անփառատելի տագնապետը»²⁴: Ոչ միայն ակնիայտորեն անտեսելի է վիշական կառույցում Օհանեսի պարը ներկայացնող պատկերի տեղն ու ժամանակը, այլ նաև Վաճին վերաբերող պատմական ճշնարտությունը: Վաճը պարտվող քաղաքի անփառատելի տագնապետը չի ապրել:

Ինչպես ծնունդը, վաճեցին մահը ևս կարող է նշանափորել-նախապատրաստել ծիսական որոշակի արարողությամբ: Եթե, իհարկե, դա սպանություն, անժամանակ կամ բռնի մահ չէ: Անձնական կարգի բազմաթիվ նշանավոր իրադարձություններով լի, ապրված հարուստ և իմաստավոր կյանքի բնական ավարտին հասած Սրբուհին (Օհանեսի մայրը) առանց իրարանցման նախապատրաստվում է իր հանդերձյալ կեցությանը: Նախապես մտածված մանրամասնություններով նա ծառայում է գերդաստանի անդամներին, նվերներ բաժնում, տայիս վերջին հանձնարարությունները և աննկատ հետանում, ասես չի էլ եղել այս աշխարհում:

Ընդհանրապես ասած, ինչպես նկատել են «Այրվող այգեստաններ»-ին (1935-64) բոլոր անդրադամները, առաջին հակ էջերից ակնիայտ է էթնիկ կայուն ու ավանդական կողորիտիք նշանակալի առկայությունը: Վաճեցի հերոսներից յուրաքանչյուրն այդ կողորիտային համակարգում ունի իր խոսքի, շարժ ու ձևի, կենցաղավարության ու աշխարհընկալման, ի վերջո՝ կեցության անհատականությունը: Ավանդականությամբ թեն հաստատ ու կայուն են կողորիտային համակարգի առանցքային տարրերը, բայց և Գ. Մահարին չի անտեսում կերպարների վարքի այնպիսի դրսւորումները, որոնք խախտում են կողորիտիք բնորոշ տրադիցիան, երիկան ու բարոյականությունը: Դա վաճեցի հերոսների կյանքի անբնդգրկելի բազմազանության դրսւորման ձևերից մեկն է:

Սակայն կյանքը և համակեցությունը հաստատ պահող մի բան մնում է անխախտ: Դա այն է, որ դարավոր ավանդույթով նիստ ու կացի, մեծ ու փոքրի, կին-տղամարդու, ուներ-չուների հարաբերությունների մեջ ամեն ինչ պիտի պահպանվի սրբութեն: Օհանեսը, թեկուզ ձևականութեն, առավոտվա սուրճը, ըստ իր սովորության, կմոշից պիտի ուզի՝ իբր մոռացած լինելով նրա ծննդիկան լինելը: Նրա առաջ ծառայության մեջ հնազանդ են ոչ միայն աղջիկն ու կինը, նաև եղբայրները, անգամ մայրը: Տոհմական նիստ ու կացի մեջ տիրոջ և սոցիալական դիրքով ավագի նրա կարգավիճակն անվիճակելի է՝ կենսական բոլոր հանգանանքների համար ենթադրվող ողջ ծիսակարգով: Ընդ որում, ինչպես Օհանեսը, այնպես էլ արյունակից և ոչ արյունակից շրջապատը դա չի ընդունում իբրև պարտադրանք: Ծիշտ հակառակը՝ դա նրանց

²³ Գ. Մահարի, Այրվող այգեստաններ, էջ 61:

²⁴ Ս. Աղաջանյան, Աշխարհ, էջ 247:

կեցության անհրաժեշտ նորման է, որը խախտվելու դեպքում բոլորի կյանքը շավից դուրս կգա: Իրավունքի, պարտականության, դերի համապատասխան ծիսակարգով հստակեցված, ավելի շուտ՝ որոշակիացված ու այդքանով է ներդաշնակ մի աշխարհ է, ուր յուրաքանչյուրն իր տեղում է՝ պայմանականություններով ու փոխադարձ կապերով սեփական գոյությունն իմաստավորող: Ինչպես որևէ տեղ աշխարհում, այսուեղ էլ չկա բացարձակ լավ կամ վատ, ճիշտ ու սխալ. կա կեցությունն իմաստավորող և կյանքի շարունակականությունն ապահովող մի հատիկ բացարձակ չափանիշ, որն է նպատակահարմարությունը: Այս աշխարհում մարդկանց մեջ տարբերությունները շատ են ակնհայտ, բայց դա նույնան բնական է, ինչքան որ բնության նախասահմանված բարիքների (առավոտը, արևի լույսն ու ջերմությունը, Վանա լճի գեղեցկությունը և այլն) հավասար ինքնարաշխուն ամենքին:

Բայց քանդվելու է ծիսականութամբ թե՛ հետաքրքիր, թե՛ ազգային-պատմական ոգի ունեցող, նաև կայուն այս աշխարհը: Նրա վերջնական կրծմանումը գալու է Վանի հայարավումից հետո: Կենսակերպի և աշխարհընկալման այս տարբերակը դադարելու և մշակութային իրողություն լինելուց: Հայրենի կորուսյալ եզերքի հետ մեկընդմիշտ կորչելու է և վանեցիների կենսակերպը: Արդեն նախկին վանեցիների հավաքներն ավելի շուտ անդամայի կորուստներն են ընդգծելու, քան իրենցով փրկվածի հարատևությունը: Այս վանեցիները, զիտակցեն դա, թե ոչ, վերջին նոհիկանների իրենց ճակատագիրն իմաստավորելու են ոչ այնքան վանեցուն բնորոշ կեցությամբ ու կենցաղավարությամբ, որքան խոսք ու զրոյցի մակարդակում իրական-անիրականի, որբերգականի և հերոսականի, կսկիծի ու կարոտի, հույսի և հիմարավության շաղախով Վանի միքը հյուսելով, որի մեջ ինքնատիպության էական բաղկացուցիչներից մեկն էլ լինելու է կեցության ծիսականությունը:

Եղած-անցածը վերիուշի ետքարձ հայացրով միֆականացնելու ինքնատիպ դրսւորումներից մեկն էլ Գ. Մահարու «Այրվող այգեստաններ»-ն (1935-64) է:

Իհարկե, կարելի է շարունակել մահարիհական Վանին, վանեցիներին, իրենց կեցությանը յուրահասուուկի թվարկումը: Եվ դա էլ ավելի կհաստատի այն, ինչ ակնհայտ է վեափի հենց սկզբից. Վանին բնորոշ է ազգային-պահանջական նկարագրով կենսակերպը, կյանքը սովորական դարձած հունի մեջ պահող համակեցության մթնոլորտը և այլն: Ու բվում է, թե այդպես էլ շարունակվելու է ապագայի մեջ, ինչպես որ անընդմեջ եղել է անցյալու:

Սակայն, ավանդ, Վանին և վանեցիներին չսկած-չտեսնված փորձություններ են սպասվում: Նրանք դեռ չգիտեն, բայց իրենց գոյության իմքերում արդեն տեղադրված է դանդաղ գործողության ուումը, որը սպառնում է ամենակարևորին՝ կյանքի կարգավորվածությանն ու համակեցությանը, որենքն և՝ գոյությանը: Ըստ Գ. Մահարու վեափի պատկերների՝ հայության դարավոր համակեցության ավերումը չի եղել միանգամից, ժամանակի կարծ հատկածի մեջ: Այն սկսվել է դեռ վաղուց աստիճանաբար, ասես մտահոգվելու առիթ չտվող կյանքի հանգանաքներում, եթե կարելի եր վատահ լինել, որ քանի դեռ կա աշխարհը, լինելու է նաև Վանը:

Չբողնելու համար այնպիսի տպավորություն, որ իբր Գ. Մահարին Վանի (ինա՞ Արևատյան Հայաստանի և արևամտահայության) կորստի պատճառը միայն հայության մեջ է տեսնում, ասենք, որ նա բազմից ընդգծում է հայությանը սպառնացող բուրքական վտանգը: Մանավանդ համաշխարհային պատերազմն սկսվելու պահից դա այլև չի թաքցվում և ակնհայտ էր թե՛ հայերի, թե՛ բուրքերի համար: Միայն նորից վերադառնուով վեափի միջոցով Գ. Մահարու ասելիքին, հիշեցնենք, որ նա առավելապես կենտրոնացած է հայության դերի վրա:

Օհանես աղան վատ երազ է տեսել բայց դրա վրա չի էլ ուզում կենտրոնանալ, անգամ կարող է դրա համար համարյա ոչինչ չասող բացատրությունն էլ գտնել. «Մարտուրինս վատ ի»²⁵: Ասես մտահոգվելու բան չկա ել, մանավանդ որ նախորդ օքը տղա է ունեցել, որի համար շատ ուրախ է, իսկ դրսում արևով ու լույսով լեցուն, այգեստանների վրա կանգնած բռնի ծխով առավոտներից մեկն է, տունը՝ լի, գործը՝ եկամտաքեր:

²⁵ Գ. Մահարու «Այրվող այգեստաններ», էջ 23:

Բայց եթե սա կարելի է համարել զուտ անձնական կարգի կանխանշան, ապա շատ շանցած՝ մեկը մյուսի ետևից Վանում իրար հաջորդում են իրադարձություններ, որոնք համազգային նշանակություն ունեն: Այդ իրադարձություններից յուրաքանչյուրը սառը ցնցողի ազդեցություն է ունենում բուրքական վտանգը կանխազգացող, բայց դեռ շատ թե քիչ ապահով կյանքով ապրող, իրենց համակեցությամբ ինքնավտահ վանեցիների վրա:

Մինչդեռ ժամանակն աշխատում է վանեցիների դեմ՝ կազմալրւծող հարվածներ հասցնելով նրանց համակեցությանը: Առաջին լորջ հարվածը «քոլոզների» բրերն են: Ակնիայտ է, որ դրանց նախաձեռնողներն աշխատում են ահարեւելու սկզբունքով: Նպատակն ազնիվ է: համազգային պայքարի համար անհրաժեշտ միջոցներ հայրայթել: Բայց ձևական ակազակային է, անհարգայից, վատահերթյուն չներշնչող, անգամ ավելին՝ այդ գործի նվիրյալների դեմ տրամադրող, նպատակի ազնվությունը կասկածի ենթարկող: Իհարկե, և Փանու էֆենդին, և Սիմոն ու Օհանես աղանձոր, մերմ ասած, առանձնապես աշքի չեն ընկնում ոչ իրենց ազնվությամբ, ոչ էլ ազգանվեր գործունեությամբ: Բայց «քոլոզների» անխոհեմ վարքն է նրանց հնարավորություն տալիս ասել անվիճարկելի ճշմարտություններ:

«Ազգ մենակ անոց չի պատկաներ,- վրդովուց Փանու էֆենդին,- մենք պակաս չենք մտածեր ազգի մասին... բռու մարդու պէս կանչեն, բացատրեն, գումար նշանակեն, ստացականով վերցնեն, մեր ալ քոնքրուրվ ծախսեն... Այս ի՞նչ բարք է... ինչ սեւ քոլոզ, ինչ կարմիր քոլոզ... այս ի՞նչ անպատուարեր ձեւ է, զանոմ...»²⁶.

«Տանել այս կոյս ոսկին եւ դնել սանդի մեջ, ո՞ն համար, ինչի՞ համար... իր տարիների աշխատանքը: Եթէ ազնիւ գործի համար է, ինչո՞ւ չեն գալիս, օր-ցերեկով՝ տուն կամ խանութ,- Օհանէ՛ս աղա, յանուն ազգի փրկութեան՝ այսքան ոսկի տուր... Օ, նա տեղմտսենք կը հաշուեր պահանջուած գումարը... Իսկ այս ի՞նչ ձեւ է, սրիկայական, աւագակային ձեւ... Չուզ, ք...»

- Փարայ մ'ալ չե՞ն տայ,- բարձրաձայն գոչեց Օհանէս աղան...»²⁷:

Ինչ խոսք, ակնիայտ է, որ երկու երեխներն եւ իրենց լացն են լացում, որի իմաստը փող չտալի է: Հազիվ թե նրանք իրենց կարողությունից մի մաս սիրով նվիրաբերեն համազգային գործին: Բայց որովհետև ազգային գործիչը ճիշտ վարք չի դրսուրում, սրանք ականա ստանում են արդար բողոքավոր լինելու շանս: Սակայն միանգամայն այլ է Սիսոյի տարրերակը: Գործի «մուր» լինելով (սմիջից թեկուզ մասամբ մշուշափ ուղեղով) զիսի է ընկնում նաև նա: Քրտիմքով իր հացը վաստակող այս մարդու կարծիքն ազնիվ է, չունի անձնական շահի ոչ մի ենթաշերտ: «Կարգին մարդիկ մեծ նպատակի համար չեն դիմի այդպիսի ձեւի,- թե՛ր փողը, դի՛ր սանդի մեջ, զամ, առնեմ, տանեմ...»²⁸:

Վանի և վանեցիների համակեցությանը բնորոշ արտաքը խաղաղությունն օր օրի լցվում է արդեն ողջ հանրությանը վերաբերող իրադարձություններով, տագնապնեռով: Դրանց առանձնահատկությունն այն է, որ բոլորն եւ արտակարգ, մինչ այդ չլսված-չտեսնված, ամենավատ երևակայությամբ անգամ անկանխատեսնի դեպքեր են: Բոլորն եւ՝ հայի մտքի արգասիք ու ձեռքի գործ, որով էլ ավելի բարյալքող և կազմալրւծող: Դրանց քվում՝ Աղթամարի հոգևորականների սպանությունը և եկեղեցու թալանը, Գափամաճյան Պետրոսի սպանությունը: Սրանք դատաստանի, քաղաքական գործունեության կամայականության դրսւորումներ էին, որոնք հասարակության մեջ խորացնում էին անպահտապան լինելու համոզմունքը՝ հակառակ անգամ հեղինակավոր գործչի (Վանմյան) վստահեցումների: Հասարակական կեցությանը բնորոշ տագնապները ներկայացվում են հասլիքապես Օհանեսի կյանքի օրինակով, որում վերը նշված դեպքերի բացասական նշանակությանն ավելանում էին նաև զուտ անձնական կարգի համագամամբները՝ մոր մահը, հակառակ իր կամքի՝ գուն ու ախոռը զենքով լցված լինելու պատճառով կանխատեսելի վտանգները և այլն: Ըստ վիպական գործողությունների՝ ազգային գործիներից վանեցին դեռ օգուտ չի տեսնում, բայց վնասն ակնիայտ է: Հայերը բաժան-բաժան են եղել ըստ կուսակցական պատկանելու-

²⁶ Գ. Մահարի, Այրուտ այգեստաններ, էջ 54:

²⁷ Նոյն տեղում, էջ 66-67:

²⁸ Նոյն տեղում, էջ 72:

քյան, առավելապես զրադկած են ներքին խառնակչություններով, հաճախ անզիջում անհանդրության դրսուրումներով հարաբերություններ և ազդեցության ոլորտներ ճշտելով: Մինչդեռ թշնամին քնած չէ. շատ լավ տեսնում ու հասկանում է իրեն ձեռնուու այդ մքնոյորսը, և ինքն էլ խորանանկորեն հայերի մեջ բորբոքում է կասկածի, ատելության մթնոլորտը: Իսկ հայ ազգային գործիչները շատ ուշացումով պիտի զիսի ընկենն, որ Վանի ոստիկանապետի սաղյիշ վարքը չհասկանալով՝ սխալվել են իրենց հայրենակիցների վերաբերյալ նահավճր որոշումներ կայացնելիս: Վանի բնակչությունը կամա-ականա քաղաքականացված է, և նրանց համակեցության վրա էական ազդեցություն ունի հատկապես դաշնակցական գործիչների բարոյական նկարագիրը: Յավոր, դա առավելապես կազմալուծող է: Այս իմաստով կարևոր են հասարակական հնչողություն ստացած երկու դեպք: Մեկը ներկայացվում է Միջիան Մանասերյանի օրինակով, ով հարազատ քրոջ ամուսնուն սպանելու գնով կուսակցական դեկավարների շնորհիվ դառնում է «Հայոց ձորի կոմիտէն, Խեցայ վանքի եւ նրան պատկան կամ ոչ պատկան հողերի տէրը»²⁹: Հաջորդը՝ ոչ պակաս ցավակի մի դեպք, Դավոյի անձնական որբերգությունն է: Արամի անխոհեն և բարոյազորկ վարքը Դավոյին դարձնում է կույր վրիժառու, որից դարձյալ միայն թշնամին է շահում:

Ահա այսպես դեպքը դեպքի վրա կոտակվելով՝ մի կողմից՝ ներկացնում է դաշնակցական գործիչների ազգափրկիշ գործունեության անարդյունավետությունը, մյուս կողմից՝ խարարում, վտանգում վանեցիների համակեցությունը, ազգային համաձայնությունը, որը առաջիկա փորձություններում կարող էր լինել հայ ազգարնակչության փրկության միակ ռեալ երաշխիքը:

Գ. Մահարու վեայի որբերգականությունն սկսում է Վանի համակեցության խախտումով և ավարտվում Վանի և վանեցու վերջնական կորստով: Ակնհայտ է, որ դրանում նա, առանց որևէ չափով գգուշանալու, տեսնում ու ցոյց է տալիս նաև դաշնակցական գործիչների մեռքը: Դեռ ավելին, ըստ իր խոստովանության, դա է իր ստեղծագործության ասելիքի մեջ էականը. «Որքանո՞վ բարեյաջող եղաւ նրանց (դաշնակցական գործիչների – Ս.Ա.) բարի նպատակով կեանքի կոչուած միջամտութիւնը. ի՞նչ սխալներ գործուեցին այդ ճիշտ ճանապարհի (արևմտահայության փրկության – Ս.Ա.) վրայ, - այս մասին է խօսում իմ գիրքը...»³⁰:

Վեայի վերջին՝ XXVII ասքը ներկայացնում է նոր, փոփոխված կենսական հանգամանքները: Ենուու են մնացել կոտորածի սարսափները (թեև մանականդ Վանից դրւու ամեն ինչ դեռ դրանով է շնչում), ինքնապաշտպանության հերոսականությունը, հայ կամակորականների և ուսական բանակի փրկարար մուտքը Վան և այն:

Բնության մեջ ոչինչ չի փոխվել:

«Ծովից ոչ հեռու փոխել է հնադարեան քաղաքը, որպէս կանաչավարս հետեարական գեղեցկուիի, որպէս հերեաք, որպէս գեղեցկութիւն:

Այզիներ, այզիներ ու այգեստաններ, ու ծովը կապոյտ, նորից ներկուած կապոյտով, ցնորքի պէս, չինելու չափ կապոյտ ծովը, քաղաքի գովաստն փողոցները, ջրուած եւ աւելուած, ինո՞ւ ու քարմութիւն բուրող փողոցները, որոնք վերածուել են իհմա ոչ հարուստ տօնավաճառի»³¹:

Սակայն Վանում նկատելիորեն փոխվել է կյանքը՝ ընկենելով այլ հունի մեջ: Թվում է, թե աստիճանաբար հաստատվում է ինչ-որ նոր, փիլորուն համակեցություն, որը կարող է փարատել կորուստները, լցնել կյանքն ապրելու, արարելու եռանդով, զալիքի նկատմամբ հավատով: Բայց թե՛ Վանին, թե՛ հայությանն ընդհանրապես վիճակված չէր ապրել խաղաղ համակեցության ապահովությունն իր երկրում:

Հերինակն անկեղծ է իր ասելիքի մեջ, չի գգուշանում, ենթատեսառերի և կիսատոների լեզվով չի խոսում: Այն, ինչ ներկայացնում է դաշնակցական գործիչների կենսակերպի ու վարքազծի ուղղակի պատկեր-նկարազբություններում, ընդգծում է նաև բնիկ-վանեցիների կյանքի նկարազբություններում: Հետևաբար ճիշտ և ընդունելի չէ վեպի գնահատականներում տարածված այն ընդհանուր մոտեցումը, որով վանեցիների կյանքի պատկերների բովանդակությունն առանձնացվում է դրական գնահատա-

²⁹ Գ. Մահարու «Այգեստաններ», էջ 223-224:

³⁰ Նոյյան տեղուած, էջ 632:

³¹ Նոյյան տեղուած, էջ 523:

քով, իսկ մնացյալի մեջ ընդգծվում է հետինակի գաղափարական սայրաքումը: Եթե կառելի լիներ պայմանականորեն առանձնացնել և մի կողմ բողմել պատկերների երկրորդ խումբը, ապա միևնույնն է, ուշադիր ընթերցողը վանեցիների կյանքի, Վանի անցուդարձի մահարիական նկարագրերում անպայման կզտներ նույն բռվանդակության ասելիքը, ինչը որ մերժելի է համարվում ազգային գործիչների վերաբերյալ էջերում:

«Այրվող այգնստաններ» (1935-64) վեպում ազգային կոլորիտը ոչ միայն համայնապատկեր է, ոչ միայն ինքնանպատակ չէ, այլև ծառայում է վեպի մրասնական կոնցեպցիայի արտահայտմանը:

ЗНАЧЕНИЕ ОПИСАНИЯ БЫТА В РОМАНЕ Г. МААРИ “САДЫ В ОГНЕ”

Резюме

C. Агаджанян

Г.Маари в романе “Сады в огне” (1935-1964) существенное место уделяет описанию быта, что не только не является самоцелью, но как и образы национальных деятелей служит выражению единой концепции романа. Армянское население Вана живет по национальным традициям, сформировавшимся в течение веков. Здесь ничто не идеализировано: в равной мере представлены как положительные стороны быта, так и отрицательные. Однако жизнедеятельности ванцев присущ определенный уклад, который можно назвать сосуществованием. Г.Маари при помощи многочисленных сюжетных линий показывает, что деятельность национальных политических лидеров отнюдь не способствует защите армян от турецкой угрозы. Будучи не в состоянии реализовать свою программу по спасению нации, они распространяют среди армян недоверие, раскол, которые делают их еще более беззащитными и уязвимыми перед антиармянской политикой турок.

Концепция Г.Маари заключается в следующем: нельзя в геноциде армян обвинять только Турцию и европейские страны. Он стал возможен в том числе и по вине наших национальных деятелей, которые не сумели организовать народ, сформировать единый национальный фронт.